

通典卷之九
法制
續德名家

孫子曰法者曲制官道主用也

曲制者部曲幡幟金鼓之制也官者百官之分用也道者

糧路也主用者主軍費用卒已附親而罰不行者則不可用也故令之以


文齊之以武文仁武法是謂必取文罰令素行以教其人者也令

素行則人服令素不行則人不服令素信著者與衆相得也

厚而不能使愛而不能令亂而不能治譬如驕子不可用也

言恩不可純任還爲已害也軍政曰言不相聞故爲鼓鐸鐸金鉦者聽其音聲以爲耳候

視不相見故爲旌旗瞻其指摩以爲目候夫金鼓旌旗者所以一人之



耳目也齊一耳目之視聽人既專一則勇者不得獨進怯者

不得獨退齊之以法教使強弱不得相踰紛紛紜紜鬪亂而不可亂也示敵

若亂以金間之紛紛旌旗像紜紜士卒貌言旌旗播轉一合

一離士卒進退或往或來視之若散擾之若亂言其法令素

定度幟分明各有分數擾而不亂者也渾渾沌沌形圓而不可敗車騎形轉圓

齊整也渾渾車輪轉行沌沌步驟奔馳視其行陳縱橫圓而

不方然則指趣各有所應故王子曰將欲內明而外暗內治

而外渾所以示敵之輕已者也渾胡本反沌徒損反周初太公曰教戰之法必明告吏

士申三伍之令教其操兵起居進止旌旗指麾陳而方之坐

而起之行而止之左而右之列而合之絕而解之無犯進止

之節無失飲食之宜無絕人馬之力令吏士一人學戰教成

十人十人學戰教成百人百人學戰教成千人千人學戰教

成萬人萬人學戰教成三軍之衆大戰之法百萬之師故能

成大功也又覆軍誡法曰諸軍出行將令百官士卒曰某日

出某門吏士不得刈稼穡伐樹木殺六畜掠取財物姦犯人

婦女違令者斬又曰凡行軍吏士有死亡者給其喪具使歸


邑墓此堅軍全國之道也軍人被瘡卽給醫藥使謹視之醫

不卽治親鞭之軍夜驚吏士堅坐陳將持兵無謹譁動搖有

起離陳者斬軍門常交戟謹出入者若近敵當譏呵出入者

三略曰軍中巫祝不得與軍人卜筮吉凶為其誤惑軍士也

周末吳王闔閭以孫武為將而謂武曰可小試勒兵乎對曰



原件短缺

武分爲二隊以王寵姬二人各爲隊長皆令持戟令之曰汝知而心與左右手背乎婦人曰知之武曰前則視心左視左手右視右手後卽視背婦人曰諾約束旣布乃設鈇鉞卽三令五申之於是鼓之右婦人大笑武曰約束不明申令不熟將之罪也復三令五申而鼓之左婦人復大笑武又曰約束不明申令不熟將之罪也旣已而不如法者吏士之罪也乃欲斬左右隊長吳子從臺上觀見且斬愛姬大駭趣使下令曰寡人已知將軍能用兵矣寡人非此二人食不甘味勿斬也武曰臣旣已受命而將將在軍君命有所不受遂斬隊長二人以狗用其次爲隊長於是復鼓之婦人左右前後跪起

糧食絕其軍道六曰敗其肆關發其積粟七曰掩其不備卒擊其未整旅八曰攻其懈怠出其不意九曰燒其積聚虛其市里十曰掠其田野係繫其子弟此十者騎戰利也夫騎者能離能合能散能集百里爲期千里而赴出入無間故名離合之兵也○後漢魏武軍令吾將士無張弓弩於軍中其隨大軍行其欲試調弓弩者得張之不得着箭犯者鞭二百沒入吏不得欲營中屠殺賣之犯令沒所賣皮都督不紀白杖五十始出營豎矛戟舒幡旗鳴鼓行三里辟矛戟結幡旗止鼓將至營舒幡旗鳴鼓至營訖復結幡旗止鼓違令者髡翦以狗軍行不得斫伐田中五果桑柘棘棗○船戰令曰雷鼓

一通吏士皆嚴再通什伍皆就船整持櫓棹戰士各持兵器就船各當其所幢幡旗鼓各隨將所載船鼓三通鳴大小戰船以次發左不得至右右不得至左前後不得易違令者斬步戰今日嚴鼓一通步騎悉裝再通騎上馬步結屯三通以次出之隨幡住者結屯住幡後聞急鼓音整陳斥候者視地形廣狹從四角而立表制戰陳之宜諸部曲者各自安部陳兵疎數兵曹舉曰不如令者斬兵若欲作陳對敵營先自表乃引兵就表而陳臨陳皆無謹譁明聽鼓音旗幡麾前則前麾後則後麾左則左麾右則右麾不聞令而擅前後左右者斬伍中有不進者伍長殺之伍長有不進者什長殺之什長

有不進者都伯殺之督戰部曲將拔刃在後察違令不進者斬之一部受敵餘部不進救者斬臨戰兵弩不可離陳離陳伍長什長不舉發與同罪無將軍令有妄行陳間者斬臨戰陳騎皆當在軍兩頭前陷陳騎次之游騎在後違令髡鞭二百兵進退入陳間者斬若步騎與賊對陳臨時見地勢便欲使騎獨進討賊者聞三鼓音騎特從兩頭進戰視麾所指聞三金音還此但謂獨進戰時也其步騎大戰進退自如法吏士向陳騎馳馬者斬吏士有妄呼大聲者斬追賊不得獨在前在後犯令者罰金四兩士將戰皆不得取牛馬衣物犯令者斬進戰士各隨其號不隨號者雖有功不賞進戰後兵出

前前兵在後雖有功不賞臨陳牙門將騎督明受都令諸部
 曲都督將吏士各戰時校督部曲督住陳後察凡違令畏懦
 者有意聞雷鼓音絕後六音嚴畢白辨便出卒逃歸斬之一
 曰家人弗捕執及不言於吏盡與同罪○大唐衛公李靖兵
 法曰諸軍將伍旗各准方色赤南方火白西方金皐北方水
 碧東方木合是青為與皐色相亂故改為碧黃中央土土既不動用為四旗
 之主而大將行動持此黃旗於前立如東西南北有賊各隨
 方色舉旗當方面兵急須裝束旗向前亞方面兵急須進旗
 正豎即往卧即迴審細看大將軍所舉之旗須依節度諸每
 隊給一旗行則引隊住則立於隊前其大總管及副總管則

立十旗以上子總管則立四旗以上行則引前住則立於帳
 側統頭亦別給異色旗擬臨陳之時則辨其進退駐隊等旗
 別樣別造今引輜重各令本軍營隊識認其旗如兵數校多
 軍營復衆若以異色認旗遠看難辨即每營各別畫禽獸自
 為標記亦得不然旗身旗脚但取五方色迴互為之則更易
 辨唯須營營自別務使指麾分明凡將出師其旌旗切須堅牢若或傾側衆生異議也
 諸教戰陳每五十人為隊從營纏槍幡至教場左右廂各依
 隊次解幡立隊隊別相去各十步其隊方十步分布使均其
 駐隊塞空去前隊二十步列布訖諸營十將一時即向大將
 處受處分每隔一隊定一戰隊即出向前各進五十步聽角

聲第一聲絕諸隊卽一時散立第二聲絕諸隊一時捺槍卷
 幡張弓拔刀第三聲絕諸隊一時舉槍第四聲絕諸隊一時
 籠槍跪膝坐日看大總管處大黃旗耳聽鼓聲黃旗向前亞
 鼓聲動齊唱嗚呼嗚呼並去聲齊向前至中界一時齊鬪唱殺
 齊入敵退敗訖可趁行三十步審知賊徒喪敗馬軍從背逐
 北聞金鈺動卽須息叫却行膊上架槍側行迴身向本處散
 立第一聲絕一時捺槍便解幡旗第二聲絕一時舉槍第三
 聲絕一時簇隊一看大總管處兩旗交卽五隊合一隊卽是
 二百五十人爲一隊其隊法及卷幡舉槍簇隊鬪戰一依前
 法一看大總管處五旗交卽十隊合爲一隊卽是五百人爲

一隊法及舉幡舉槍簇隊鬪戰法並依前聽第一聲角絕卽

散二百五十人爲一隊第二聲角絕卽散五十人爲一隊如

此凡三度卽教畢諸十將一時取大將賞罰進止第二角聲

絕卽從頭卷引還軍一云初出營擊矛戟舒旗幡鳴鼓角行

三里辟矛戟結旗幡止鼓角未至營二

里復擊矛戟舒旗幡鳴鼓角至營復結旗幡止鼓角臨陳皆

無誼諱明聽鼓音謹視視旗幡麾前則前麾後則後麾左則左

麾右則右視麾所指聞 又云教戰練兵中間隊須加減審看

三金音止三金音還 大總管處白碧兩旗交跳盪隊戰鋒隊駐隊每色三隊合爲

一隊添入中隊計會使稀稠均卽是一百五十人爲隊如不
 須更合隊便卽交戰一准前捺槍解幡如須加兵合隊卽看
 大總管處赤皂兩旗交諸隊各依本色又三隊合爲一隊准

前添入中隊使稀稠均卽是四百五十人爲一隊如須交戰
卷幡舉槍簇隊竝依前教戰了欲散還營看大總管處兩旗
卧卽分散却爲一百五十人隊各依舊立又兩旗卧卽散五
十人爲一隊還依舊初立聽角聲第一聲絕一時捺槍便解
幡第二聲絕一時舉槍第三聲絕一時簇隊聽還營進止如
放散更聽一會角聲卽依軍伍次發引還營其應前進而不
進應卻退而不退應坐而不坐應起而不起應簇而不簇應
散而不散應捺而不捺應卷而不卷應合隊而不合隊應擘
而錯擘入他隊言語謹謹不聞鼓聲旌旗分擾疎密失所竝
節級科罰其教法各令子總管以下錄一本教依兵士教旗

法

以上並衛
公兵法

一云凡教旗於平原曠野登高遠視處大將居

其上南向左右各置鼓十二面角十二具左右各樹五色旗

六纛居前列旗次之左右牙官駐隊如偃月形爲後騎下臨

平野使士卒目見旌旗耳聞鼓角心存號令乃命諸將分爲

左右皆要兵刃精新甲冑幡幟分爲左右廂各以兵馬使長

班布其次陳間容陳隊間容隊曲間容曲以長參短以短參

長迴軍轉陳以後爲前以前爲後進無奔迸退無趨走

孫子所謂
紛紛紜紜鬪亂而不可亂渾渾
沌沌形圓而不可敗者奇正也以正合以奇勝聽音觀麾乍

合乍離於是三令五申白旗點鼓音動則左右廂齊合朱旗

點角聲動則左右廂齊離合之與離皆不離中央之地左廂

五

通典卷一百一

五

陽向而旋右右廂陰向而旋左左右各復本初白旗掉鼓音
動左右各雲蒸鳥散彌川絡野然而不失部隊之疎密朱旗
掉角音動左右各復本初前後左右無差尺寸散則法天聚
則法地如此則三合而三離三聚而三散不如法者吏士之
罪務從軍令於是大將出五綵旗十二口各樹於左右廂陳
前每旗命壯勇士五十人奪旗左廂奪右廂石廂奪左廂鼓
音動而奪角音動而止得旗者勝失旗者負勝賞而負罰離
合之勢聚衆之形勝負之理賞罰之信因是而教之一人學戰教成
合之十人十人學戰教成校獵一人守圍地三尺量人多少
合之百人漸至三軍之衆以左右兩將爲交頭其次左右將各主士伍爲行列皆以金

鼓旗爲節制其初起圍張翼隨山林地勢無遠近部分其合
圍地虞候先擇定訖以善弧矢者爲圍中騎其步卒槍幡守
圍有漏獸坐守圍吏大獸公之小獸私之以觀進止斯亦教
戰一端也趙國公王琚教射經上篇曰凡射必中席而坐一
膝正當塚一膝橫順席執弓必中在把之中且欲當其弦心
也以弓當左膝前豎按席稍吐下梢向前微令上傾向右然
後取箭覆其手微拳令指第三節齊平以三指捻箭三分之
一加於弓亦三分之一以左手頭指受之則轉弓令弦稍離
身就箭卽以右手尋箭羽下至闕以頭指第二指節當闕約
弦徐徐送之令衆差池如鳳翮使當於心又令當闕羽向上

弓弦既離身即易見箭之高下取其平直然後擡弓離席目
睨其的按手頤下引之令滿其持弓手與控指及右膊肘平
如水准令其肘可措杯水故曰端身如榦直臂如枝直臂者
非初直也架弦畢便引之比及滿使臂直是也引弓不得急
急則失威儀而不主皮不得緩緩則力難為而箭去遲唯善
者能之箭與弓把齊為滿地平之中為盈貫信美而術難成
要令大指知鏃至然後發箭故曰鏃不上指必無中矢指不
知鏃同於無目試之至也或以目視鏃馬上與暗中則乖此
為無術矣故矢在弓右視在弓左箭發則靡其稍厭其肘仰
其腕目以注之手以駐之心以趣之其不中何為也下篇曰

矢量其弓量其力無動容無作色和其支體調其氣息一

其心志謂之楷式知此五者為上德故曰莫患弓軟服當自

遠莫患力贏恒當引之但力勝其弓則容貌和發無不中故

始學者先學持滿須能制其弓定其體後乃射之然其的必

始於一丈百發百中寸以加之漸至於百步亦百發百中乃

為之術成或升其的於高山或致其的於深谷或曳之或擲

之使其的縱橫前却所以射禽獸與敵也凡弓惡右傾箭惡

其孺音儒頤惡傍引頸惡却垂曾惡前亞背惡後偃皆射之骨

髓疾也故身前疎為猛武方騰額前臨為封兕欲鬪出弓稍
為懷中吐月平箭闕為弦上縣衡此皆有威容之稱也○又

曰凡控弦有二法無名指疊小指中指壓大指頭指當弦直
豎中國國法也屈大指以頭指壓勾指此胡法也此外皆不入
術胡法力少利馬上漢法力多利步用然其持妙在頭指間
世人皆以其指末齷茲則致箭曲又傷羽但令指面隨弦直
豎卽脆而易中其致遠乃過常數十步古人以爲神而祕之
胡法不使大指過頭指亦爲妙爾其執弓欲使把前入扼把
後當四指本節平其大指承鏃却其頭指使不得則和美有
聲而俊快也射之道備矣哉○弩古有黃連百竹入擔雙弓
之號今有絞車弩中七百步攻城拔壘用之擘張弩中三百
步戰用之馬弩中二百步馬戰用之弩張遲臨敵不過一二

發所以戰陳不便於弩非弩不利於戰而將用於弩也可不
雜於短兵當別爲隊攢箭注射則前無立兵對無橫陳復以
陳中張陳外射番火輪迴張而復出射而復入則弩不絕聲
敵無薄我夫置弩必處其高爭出奪水守隘塞口破驍陷果
非弩不剋教法令曰張弩丁字立當弩八字立高擡手宣
屈衫襟左手承撞右手當心看張張有闊狹右脰右膊還復當
心安箭高舉肘敵遠擡弩頭敵近平身放敵在左右迴身放
敵在高上挈腳放放箭訖喝殺却掣拗喝尾覆弩還著地夫
軍城及野營行軍在外日出日沒時搥鼓千槌搥陟瓜反三百三
十三槌爲一通鼓音止角音動吹十二聲爲一疊角音止鼓

音動如此三角三鼓而昏明畢之每營中兩廂置土馬十二疋大小如常馬具鞍令士卒擐甲冑音高弓矢佩刀劍持矛楯左右上下以便習其事

雜教令附

大唐衛公李靖兵法曰古之善爲將者必能十卒而殺其三
次者十殺其一三者威振於敵國一者令行於三軍是知畏
我者不畏敵畏敵者不畏我如曰盡忠益時輕行重節者雖
仇必賞犯法怠惰敗事貪財者雖親必罰服罪輸情質直敦
素者雖重必捨游辭巧飾虛僞狡詐者雖輕必戮善無微而
不贊惡無纖而不貶斯乃勵衆勸功之要術○昔馬謖軍敗

諸葛亮對泣而行誅鄉人盜篋呂蒙先涕而後斬馬逸犯麥
曹公割髮而自刑兩椽辭屈董孟誥問而俱戮故知威克其
愛雖小必濟如愛勝其威雖多必散蓋賞罰不在重在必行
不在數在必當故尉繚子曰吳起與秦人戰戰而未合有一
夫不勝其勇乃怒而前獲首而返吳起斬之吏曰此壯士也
不可斬吳子曰雖壯士然不從令者必斬之故須勸之以重
賞威之以嚴刑隨時而與之移因機而與之化可謂不濫矣
凡人耳目不可以視千里之外因人耳目而視聽之卽無善
不聞無惡不見故目貴明耳貴聰心貴智三者竝進則明不
可蔽如能賞罰不欺明於察聽則千里之外隱微之事莫不

陰變而為忠信若賞罰直於耳目之前其不聞見者誰肯用命哉故上無疑令則下不二聽動無疑事則衆不二志由是言之則持軍之急務莫大於賞罰矣○諸每營病兒各定一官人令檢校煮羹粥養飼及領將行其初得病及病損人每朝通狀報總管令醫人巡營將藥救療如法仰營主共檢校病兒官量病兒氣力能行者給僦一人如重不能行者加給驢一頭如不能乘騎畜生通前給驢二頭僦二人縛轡將行如棄擲病兒不收拾者不養飼者檢校病兒官及病兒僦人各杖一百未死而埋者斬○諸將士不得倚作主帥及恃已力強欺傲火人全無長幼兼笞撻懦弱減削糧食衣資并軍

器火具恣意令擊勞逸不等○諸應請甲數葉行數於甲

上抄記其袍秤知斤兩於袍背上具注斤兩并槍量長短尺

丈軍司並立為文案如事了却納取案勘數長短斤兩同即

納如有欠少隨即科決徵備其軍器常須磨礪修補亦不得

毀棄○諸兵士死亡祭埋之禮祭不必備以牲牢埋不必備

以棺槨務令權宜輕重折衷如賊境死者單酌祭醑墓深四

尺主將使人臨哭內地非賊庭死者准前祭哭遞送本貫○

諸兵士隨軍被袋上具注衣服物數并衣資弓箭鞍轡器仗

並令具題本軍營州縣府衛及已姓名仍令營官視檢押署

營司抄取一本立為文案如有破用隊頭火長須知用處即

抄爲文記五日一申報營司如其勘檢衣資與簿不同物有
贖數卽是偷來竝仰當火隊見有他物卽須看當狀送營司
其衣資不上文曆縱使道失官不爲理亦不得遞相寄附卽
是盜來受寄及寄物人竝科罪○諸拾得闌遺物當日送納
虞候者五分賞一如緣軍須者不在分賞之限三日內不送
納官者後殿見而不收者收而不申軍司者竝重罪三日外
者斬○諸有人拾得闌物隱不送虞候旁人能糾告者賞物
二十段知而不糾告者杖六十其隱物人斬○諸有功合賞
不得踰時有罪合罰限三日內○諸軍內不得扇動兵士恐
嚇隊伍謬作是非敗損營壘○諸營幕作食事須及早天暗
以後卽須滅火如夜有文曆須讀及抄寫者須先狀上營主
○諸軍內行僞無首從同罪資財沒官官典取兵士十錢以
上絹一尺以上重罪盜軍資雜物并被賊偷賂一錢以上無
首從同罪如貨易官物計滿一疋無首從同罪應減截兵馬
糧料一升以上無首從同罪棄擲軍糧二升以上無首從行
盜一疋以上無首從竝同罪○諸軍中有樗蒲博戲賭一錢
以上同坐所賭之物沒官○諸營各令作異旗一放馬每隊
作記旗放驢其馬中央放驢令四面援馬放其驢馬子竝於
驢羣四面圍遶驢羣知更牧放狂賊偷馬例須奔走驢羣在
外驅趨稍難以此防閑亦甚允便營別卽令別放諸軍不得

相交非直發引之時不難忽有不虞追喚亦易○諸行軍立營驢馬各於所營地界放牧如營側草惡便擇好處放仍與虞候計會不許交雜各執本營認旗如須追喚見旗卽知驢馬處所諸軍驢馬處所諸軍驢馬放不得連繫每軍營令定一官專檢校逐水草合羣放牧仍定一虞候果毅專巡諸營水草各令方界牧放不許參雜○諸營除六馱外火別遣買驢一頭有病疹擬用搬運如病人有偏併其驢先均當隊馱如當隊不足均抽此隊比營此音○諸每營折衝果毅先各請馬衙參往來自合乘騎隊馬當直擬防機急官入以下不得乘騎其雜玄甲除非警急兵士不得輒騎○諸軍馬聚會

其數旣衆應行六畜竝仰明爲軍印仍須別爲營印防閑失擬憑理認○諸營兵發以後捉得闌遺畜生亦有兵士失却驢馬衣服馱運不能勝舉并仰於捍後虞候處取闌遺畜生馱至前營其六畜却分付虞候不得不經虞候擅取者及借不送并翦破印及毛尾者斬○諸六畜隨軍如有死者須詣所部官陳牒檢驗是當營六畜驗印記同然後許令剥皮如印不是本營印卽是盜他六畜殺○諸將六畜不得非理誤死損違衝填諸軍內六畜不得擅借人乘用○諸非圍獵不得乘官馬遊獵若因巡檢便行卽聽及迴換軍司六畜竝重科○諸應乘官馬事非警急不得輒奔走致馬汗及打脊破

以上並衛公軍令具所科罪若臨諸將三日一巡本部吏士
 敵則須重平居則放輕隨時裁定
 營幕閱其食飲麤精均勞逸卹疾苦視醫藥有死卽上陳以
 禮祭葬優給家室有死於行陳同火收其屍及因敵傷致斃
 竝本將校具陳其狀亦以禮祭葬弔贈如但為敵所損卽隨
 輕重優賞○有糺告違教令者比常賞倍之○有告得與敵
 通情者其家妻妾僕馬資產悉以賞之○有糺告主者欺隱
 應所給比常賞倍之○舉旗斬將陷陳摧鋒上賞○破敵所
 得資物僕馬等竝給戰士每收陳之後裨將虞候輩收斂對
 總帥均分○與敵鬪旗頭被傷救得者重賞○漏洩軍事斬
 之○背軍逃走斬之○後期斬之有故不坐○行列不齊旌旗不

正金革不明斬之○與敵私交通斬之言諸書疏並同或說道釋祈
 禱鬼神陰陽卜筮災祥訛言以動衆心與其人往還言議斬
 之○無故驚軍叫呼奔走謬言烟塵斬之○凡言覘候或更
 相推託謬說事宜兼復漏洩者竝斬之○吏士所經歷因便
 侵掠斬之○姦人妻女及將婦女入營斬之○不戰而降敵
 沒其家○凡有私仇須先言狀令其避仇若不言因戰陳報
 復者斬之○布陳旗亂吏士驚惶罪在旗頭斬之○陳定或
 輒進退或輒先取敵致亂行者前後左右所干之行便斬之
 ○或有弓弩已注矢而迴顧者或干行矢位後行斬前行不
 動行斬干矢之行守圍不固一火及主吏竝斬之○遇敵攻

圍危急若前後左右部隊不救致陷者全部隊皆斬之○設
奇伏掩襲務應機速捷前將先合後將即副進退應接乖者
竝斬之○為敵所乘失旗鼓節鉞者全隊斬之○戰敵旗頭
被敵殺爭得屍首者免坐不得者一旗皆斬之○凡戰敵失
主將隨從皆斬之○一將禦敵裨將以下不等差主率不齊
力同戰更相救助者仗法斬之○吏士雖破敵濫行殺戮發
塚墓焚廬室踐稼穡伐樹木者皆斬之○擒獲敵人或有來
降者直領見總帥不得訪問敵中事若違因而漏洩者斬之
○破敵先虜掠者斬之入境同○凡隱欺破虜所收獲及吏士
身死有隱欺其資物兼違令不收卹者斬之○違總帥一時

之令斬之○飲宴集聚音樂者違律○軍中奔走車馬

自陳將軍以下並○更舖失候犯夜失號止宿他人違律○

步大營騎入者同軍行舍信各以校部前後為次失位及樵蘇取水出表外者

違律○凡有見奇異禽獸蟲蛇雜類詭恠之狀或近軍伍或

入營壘當時報本將領見總帥輒有傳說者違律○吏士在

行營切防為人誚誘如有親故贈遺書信使人往來即領見

本將詰辨真偽或射擲遺書獲者不得輒開密封送上總帥

而違者違律凡違律詳輕重論罰而為等差衛公李靖
兵法悉以載之於所未盡者故以此具之

通典卷第一百四十九

通典卷第一百五十

兵三

料敵制勝 敵十五形帥十過附

察而後動

驗虛聲知無實

敵降審察

孫子曰用兵之道校之以計而索其情索其勝負之情索音山格反搜索之義

曰主孰有道將孰有能道德智能主君也先考教兩國之君

寶宮之奇儒不能強諫是也天地孰得視兩軍所據地利法令孰行設而不

必諫發號出令兵衆孰強士卒孰練知誰兵器強利士卒簡

知誰能施行者習當陣惶惑將不賞罰孰明賞善罰惡知誰分明者故王子

素習臨陣闇變則戮而吾以此知勝負矣以此上十事料知吾卒之可用以

擊之而不知敵之不可擊勝之半也知敵之可以擊而不知

吾卒之不可用以擊勝之半也知敵之可以擊知吾卒之可

用以擊而不知地形之不可以戰勝之半也勝之半者未可知也故曰

知兵者動而不迷舉而不頓將不能料敵以少合衆以弱擊

強兵無選鋒曰北其勢若是必走之兵夫料敵制勝計極險易利害遠

近上將之道也知此而用戰者必勝不知此而用戰者必敗

夫唯無虜而易於敵者必擒於人也已無智慮而外易人者必為人所擒故策

之而知得失之計策度敵情觀其候之而知動靜之理喜怒

察其舉止則情理可得故知動靜權變為其勝負也形之而知死生之地形相敵情觀其所據則氣

勢死生可得而知之角之而不足有餘之處角量也角量彼我軍知

勝有五知可以戰與不可以戰有勝能料知敵情審其虛實者勝也知衆寡

之用者勝言兵之形有衆而不可擊寡或可以弱制強而能變之者勝也故春秋傳曰師剋在和不在衆是也

上下同欲者勝言君臣和同勇而戰者勝故孟子以虞待不

虞者勝虞度也以我有法度之師擊彼無法度之兵將能而

君不御者勝司馬法曰進退唯時無曰寡人將既精能曉練

在君決戰在將者是矣此五者知勝之道此上五事故曰知己知彼百戰不

殆審知彼強弱之勢雖百戰實無危殆不知彼而知己一勝一負雖不知敵之

剋之者勝不知彼不知己每戰必殆外不料敵內不知天知

地勝乃可全知地之便知天時孤虛而向背晦暝風雪為之譎詭

料敵制勝

春秋時晉侯將伐虢大夫士蔿曰不可為為虢公驕若驟得勝於我必棄其民棄民不無衆而後伐之欲禦我誰與失禮

樂慈愛戰所蓄也夫民讓事樂和愛親哀喪而後可用也上

使民以義讓哀樂為號弗蓄也亟戰將飢言號不蓄義後終

為晉所滅春秋時秦伯伐晉晉將趙盾禦之上軍佐史駢曰

秦不能久請深壘固軍以待之秦人欲戰秦伯謂士會曰若

何而戰晉士會對曰趙氏新出其屬曰史駢必實為此謀將

以老我師也史駢趙盾屬大趙有側室曰穿晉君之壻也側

子有寵而弱不在軍事弱年少又未好勇而狂且惡史駢之

佐上軍也若使輕者肆焉其可也肆暫往秦軍退晉上軍趙

穿追之不及上軍不動趙返怒曰暴糧坐甲固敵是求敵

不擊將何俟軍吏曰將有待也待可穿曰我不知謀將獨出

乃以其屬出趙盾曰秦獲穿也獲一卿矣晉自有散秦以勝

歸我何以報乃皆出戰交綏而退司馬法曰逐奔不遠從綏

綏不及則難陷然則古名退軍為綏秦晉志春秋時晉師伐

楚月晦楚晨厭晉軍而陣晉大夫郟至曰楚有六間古覓其

二卿相惡子重王卒以舊罷老鄭陣而不整不整蠻軍而不

陣蠻夷從楚陣不違晦晦月終陰之盡也在陣而囂囂喧合

而加囂陣合宜靜各顧其後莫有關心人所慮也舊不必良以

犯天忌我必剋之終敗楚于鄢陵管子曰大時地利其數多少

其要必出於計數故凡攻伐之為道也計必定於內然後兵出乎境計未定而出兵是則戰之自毀也故明敵人之攻不能加也未可加兵不明敵人之積不能約也不能約誓不明敵人之將不先軍不明敵人之士不先陣是故以衆擊寡以治擊亂以富擊貧以能擊不能以教卒練士擊敵衆白徒故百戰百勝也又曰善攻者料衆以攻衆量吾衆寡彼衆寡然後攻餘倣此料食以攻食料備以攻備以衆攻衆衆存不攻彼衆存則我不能攻之也故不攻以食攻食食存不攻以備攻備備存不攻釋實而攻虛知其實宜避之釋堅而攻羸釋難而攻易夫國搏不在敦古在於合今時宜博聚也治世不在善政在於全大體也戰國魏武侯問吳起曰

兵以何勝曰以治為勝不在衆乎起曰法令不明賞罰不信聞鼓不進聞金不止雖有百萬之師何益於用所為治者層則有禮動則有威進不可當退不可進前却如節左右應麾雖絕成陣雖散成行投之無所往天下莫當又曰凡敵有不卜而與戰有不占而避之疾風大寒早興宜遷剖冰濟度盛夏炎熱興役無間行飢驅渴務取於遠師久無量士衆怨怒妖祥疑惑上不能止軍資既竭時多霖注欲掠無便師衆不多地上不利人馬疾疫道遠日暮士卒勞倦飢未及食解甲而息將薄吏輕士卒無固三軍數驚師徒無助陣而未定舍而未畢行坂涉險半隱半出諸如此類擊而勿疑若土地廣

大人衆富盛上愛其下惠施流布賞信刑察發止得時行陣
 居列任賢使能師徒習教兵甲精銳四隣有助大國之援凡
 如此類憚而避之故曰見可而進知難而退○漢王在漢中
 拜韓信爲大將軍信因問王曰今東嚮爭權天下豈非項王
 耶漢王曰然大王自料智勇仁強孰與項王漢王曰不如也
 信再拜曰唯信亦以爲大王不如也然臣嘗請言項王之
 爲人也項王噫嗚叱吒千人皆靡然不能任屬賢將此特定
 夫之勇耳項王與人恭謹人有疾病涕泣與之分食至于功
 當封爵者印刳五丸反弊忍不能與此乃特婦人之仁耳項王
 雖霸天下而臣諸侯不居關中而都彭城又背義帝之約而

以親愛王諸侯不平諸侯之見項王遷逐義帝置江南亦皆
 歸逐其主而自王善地項王所過無不殘滅者天下多怨百
 姓不親附特劫於威強耳名雖爲霸王實失天下心故曰其強
 易弱今大王誠能及其道任天下武勇何不誅以天下城邑
 封功臣何不服以義兵從思東歸之士何不剋且三秦王爲
 秦將將秦子弟數歲矣所殺亡不可勝計又欺其衆降諸侯
 至新安項王詐坑秦降卒二十餘萬唯獨邯欣翳得脫音邯司馬
欣董翳也秦父兄怨此三人痛入骨髓今楚強以威王此三人秦
 民莫愛也大王之入武關秋毫無所害除秦苛法與秦約法
 三章耳秦民無不欲得大王王秦者於諸侯之約大王當王

關中關中民咸知之大王失職入漢中秦民無不恨者今大王舉而東三秦可傳檄而定也於是漢王大喜自以為得信晚遂聽信計定秦滅項項籍圍漢王於滎陽城久之漢王患之請割滎陽以西以和項王不聽漢王謂陳平曰天下紛紛何時定乎陳平曰然項王為人恭敬愛人士之廉節好禮者多歸之至於行賞功爵邑重之顏師古曰言愛惜之士亦以此不附今大王慢人少禮士廉節者不來然大王能饒人以爵邑士之頑鈍嗜利無耻者亦多歸王誠能去其兩短襲其兩長天下指麾則定矣○漢高帝時黥布反帝召薛公問對曰使布出於上計東取吳西取楚并齊與魯傳檄燕趙固守其所山東

非漢之有也出中計東取吳西取楚并韓取魏據敖倉之粟塞成臯之口勝敗之數未可知也出下計東取吳西取蔡歸重於越身歸長沙陛下高枕而卧漢無事矣上曰是計將安出對曰必出下計布故驪山之徒耳致萬乘之主此皆為身不顧其後不為百姓萬世慮也布果出下計上自將東擊布布之初反謂其將曰上老矣厭將兵必不能自來諸將獨患淮陰彭越今皆已死餘不足畏也故遂反果如薛公籌之東擊荊荆王劉賈敗死時劉賈都丹徒漢終破布○後漢末張遼屯長社軍中有謀反者夜驚亂起火一軍盡擾遼謂左右勿動是不一營盡反必有造變者欲以動亂人耳乃令軍中其不反

者安陣遼將親兵數十人中陣而立有頃定即得首謀者殺

之張遼審計立擒賊首亦曰料敵之義後漢末曹公征荊州劉琮降得其水軍

及步兵遂遺書孫權云今將水軍八十萬當與將軍會獵於

長洲之苑將士聞之恐權延見羣下問計咸曰曹操託名漢

相挾天子以征四方動以朝廷為辭今日拒之事更不順且

將軍大勢可以拒操者長江也劉表治水軍艨艟鬪艦千數

操悉浮以公江兼有步軍水陸俱下此則上江之險與我共

之矣而勢力眾寡愚為大計不如迎之權將周瑜曰操雖名

漢相其實漢賊將軍神武雄材兼仗父兄遺烈據有江東地

方數千里兵精足用英豪樂業尚當橫行天下為漢家除殘

去穢况操自送死豈可迎之耶請為將軍籌之使北土已安

操無內憂能曠日持久來爭疆場又能與我較勝負於舫楫

可也今北土既未安加以馬超韓遂在關西為操後患且捨

鞍馬仗舟楫與吳越爭衡本非中國所長又今盛寒馬無豪

草驅中國士眾遠涉江湖不習水土必生疾病此數四者用

兵之患也而操皆冒行之瑜請得精兵三萬人徑進夏口保

為將軍破之權曰老賊欲廢漢自立久矣但忌二袁呂布劉

表與孤耳今諸雄已滅唯孤尚存孤與老賊勢不兩立君言

當擊甚與孤合也權拔刀斫前奏案曰諸將吏敢復言迎曹

萬由斜谷出始平據武功五丈原魏大將司馬宣王帥師拒之與亮對於渭南亮分兵屯田爲久駐之本耕者雜於渭濱而百姓安堵軍無私焉屢使交書又致巾幗音號婦人之飾以怒宣王王亦屢表請戰魏使衛尉辛毗持節勒懿及軍吏以下不許出戰姜維謂亮曰辛毗杖節而到賊不復出矣亮曰彼本無戰心所以固請者示武於衆矣將在軍君命有所不受苟能制吾豈千里請戰耶宣王使二千餘人就軍營東南角大聲稱萬歲亮使問之答曰吳朝有使至請降亮謂曰計吳朝必無降法卿是六十老翁何煩詭誑如此懿與亮相持百餘日亮卒於軍中及軍退懿追焉亮長史楊儀結陣及旗

蜀志裴注
矣耳義同

鳴鼓若將向懿遽退不敢逼經二日乃行其營壘曰天下奇才也懿乃追之儀多布鐵蒺藜懿使軍士二千人著軟材平底木屐前行蒺藜悉着屐然後馬步徑進追至赤岸方知審問百姓爲之謗曰死諸葛走生仲達懿笑曰吾便料生不料死故也孔明料吳不降明矣
司馬不料亮死暗矣○陳將吳明徹進逼壽陽北齊將王琳拒守又遣大將皮景和率兵數十萬來援去壽陽三十里頓軍不進諸將咸曰堅城未拔大援在近不審明公計將安出明徹曰兵貴在速而彼結營不進自挫其鋒吾知其不敢戰明矣於是躬擐甲胄疾攻一鼓而剋壽陽○西魏遣將于謹討梁元帝於江陵長孫儉問謹曰爲蕭繹之計將欲

如何謹曰耀兵漢沔席卷渡江直據丹陽是其上策移郭內退保子城峻其陴堞以待援至是其中策若難於移動據守羅郭是其下策儉曰揣繹定出何策謹曰必用其下儉曰彼棄上而用下何也對曰蕭氏保據江南綿歷數紀屬中原多故未遑外略又以我有齊氏之患必謂力不能分且繹懦而無謀多疑少斷人難慮始皆戀邑居既惡遷移當保羅郭所以用下策也謹乃令中山公護及楊忠等率精騎先據江津斷其走路梁人堅木柵於外城廣輪六十里尋而謹至悉衆圍之梁主屢遣兵於城南出戰輒爲謹所破旬有六日外城遂陷梁主退保子城翌日率其太子以下面縛出降尋殺之

大唐衛公李靖兵法曰夫決勝之策者在乎察將之材能審敵之強弱斷地之形勢觀時之宜利先勝而後戰守地而不失是謂必勝之道也若上驕下怨可離而間營久卒疲可掩而襲昧去迷就士衆猜嫌可振而走重進輕退遇逢險阻可邀而取若敵人旌旗屢動士馬數顧其卒或縱橫其吏或行或止追北恐不利見利恐不獲涉長途而未息入險地而不疑勁風劇寒剖冰濟水烈景炎熱倍道兼行陣而未定合而未畢若此之勢乘而擊之此爲天贊我也豈有不勝哉若軍有賢智而不能用者敗上下不相親而各述已長者敗賞罰不當而衆多怨言者敗知而不敢擊不知而擊者敗地利不

得而卒多戰阨者敗勞逸無別不曉車騎之用者敗規候不
 審而輕敵懈怠者敗行於險道而不知深溝絕澗者敗陣無
 選鋒而奇正不分者敗凡此十敗非天之殃將之過也夫兵
 者可千日而不用不可一日而不勝故白起對秦王曰明王
 愛其國忠臣愛其名臣寧伏其重誅而不忍為辱君之將又
 嚴顏謂張飛曰卿等無狀侵奪我州有斷頭將軍無降將軍
 也故二將咸重其名節就死而不求生者蓋知敗衄之耻斯
 誠甚矣又曰凡與敵相逢持軍相守欲知彼筭將揣其謀則
 如之何對曰士馬驍雄示我以羸弱陣伍齊肅示我以不戰
 見小利佯為不敢爭伏奇兵故誘以奔北內貫嚴警外為弛

慢恣行間諜託以忠告或執使以相忿或厚賂以相悅移師
 則減竈合營則偃旗智足以及謀勇足以及恕非得地而不
 舍非全軍而不侵以多擊少必取於晨朝以寡擊衆必候於
 日暮如此則兵多詭伏將有深謀理須曲為防慎不可入其
 規畫故傳曰見可而進知難而退軍之善政也但敵固無小
 蜂蠆有毒且鳥窮則啄獸窮猶觸者皆自衛其生命而求免
 於禍難也若困而不鬪乃智不逮於鳥獸其能將乎必須料
 敵制勝誠於小利然後可立大功矣或又問曰所謂料敵者
 何對曰料敵者料其彼我之形定乎得失之計始可兵出而
 決於勝負矣當料彼將吏孰與已和主客孰與已逸排甲孰

與已堅器械孰與已利教練孰與已明地勢孰與已險城池
孰與已固騎畜孰與已多糧儲孰與已廣工巧孰與已能秣
飼孰與已豐資貨孰與已富以此揣而料之焉有不保其勝
哉夫軍無小聽聽必審也戰無小利利必大也審聽之道詐
亦受之實亦受之巧亦受之拙亦受之其詐而似實亦受之
其實而似詐亦受之但當明聽其實叅會衆情徐思其驗鍛
鍊而用不得逆詐自聽挫折愚人之詞又不得聽庸人之說
稱敵寡弱輕侮衆心而不料其實又不得受敵人以小利餌
我勇士輒掠財畜獲其首級將闇不斷而重賞之忽敵無備
必爲所敗揣敵之術亦易知矣若辭怒而不戰者待其援也

杖而立汲而先飲者倍程迫速渴之兼也夫欲行無窮之勢
圖不測之利其事煩多略陳梗槩而已若遇小寇而有不可
擊者爲其將智而謀深士勇而軍整鋒甲堅銳而地險騎畜
肥逸而令行如此則士蓄必死之心將懷擒敵之計此當固
而待之未得輕而犯也如逢大敵而必鬪也者彼將愚昧而
政令不行士馬雖多而衆心不一鋒甲雖廣而衆刃不堅居
地無固而糧運不繼卒無攻戰之志旁無軍馬之援此可襲
而取之抑又聞之統戎行師攻城野戰當須料敵然後縱兵
夫爲將能識此之機變知彼之物情亦何慮功不逮鬪不勝
哉

衛公兵法悉出孫子
始本已具不復重出

敵十五形過附

敵有十五形可擊新集始至行陣未定可擊未食雖已結陣不順逆風

建後至敵後來不得奔走行軍失次用力不均不戒我示弱誘敵

勤勞倍道兼行人馬未息將離大將已去獨任長路趨戰爭

不候濟半度疾擊不暇貪利求勝險路泥濘阻狹車馬擾亂行列

進退不齊縱不相載驚怖卒阨相逢都無備擬不定陣數移

顧帥有十過勇而輕死可暴貪而好利可遣仁而不忍可勞知而心

怯可窘信而喜信人可誑廉潔而愛人可侮慢而心緩可襲剛毅自用

可懦志多疑可惑急而心速可久

孫子曰軍旁有險阻蔣潢井生葭葦阜山林翳薈者必謹覆索

之此伏茲之所藏處也險者一高一下之地阻者雨水地也蔣者水草之叢生也潢者池也井者

下也葭葦者衆草所聚也山林者衆木所居也翳薈者可以

屏蔽之處也此以上相地形此以下察敵情也擊薈草木之

相蒙蔽可以藏兵敵近而靜者恃其險也敵遠而挑人者欲

處必覆索之也

人之進也其所處者居易利也所居利也言敵去我近但遣

者平利也衆樹動者來也斬伐樹木除衆草多障者疑也結

挑徒甲反道進來故動鳥起者伏也下有伏

為障欲使我度稠草中多障蔽者疑有伏焉兵住藏

避去恐追及多作障蔽使人疑有伏焉鳥起者伏也鹿高而銳者車來

也車馬行疾塵卑而廣者徒來也散而條達者新採來也塵

各行而條達相衝故高也少而往來者營軍也欲立營壘以輕兵往辭卑而

益備者進也其人來使辭卑使間視辭強而進驅者退也詐

也來馳驅無所畏輕車先居其側者陣也陣兵欲戰也輕車馳車在陣側無

約而請和者謀也未有要約而使來請和有間謀也奔走而陳兵者期也與

偏將半進半退誘也倚仗而立者飢也倚仗矛戟而汲役先

飲者渴也向人見利而不進者勞也士疲勞也敵人來見我利而不能擊進者疲勞

也鳥集者虛也敵大作營壘示我衆而夜喧呼者恐也軍士

呼制不勇也相驚無備者恐懼也軍擾者將不重也無威旗動者亂也旌旗

抵東西傾倚者亂也更怒者倦也軍吏悉怒將者疲倦也粟馬食肉軍無懸釜不

及其舍者窮寇也穀馬食肉不復蓄積無懸釜之食諄諄翁

翁徐言入入者失其衆也諄諄語貌又不足貌翁翁者不真也其上失卒之心少氣之意徐言

入入者與之言安徐之貌也此將數賞者窘也軍不被敵數失其衆也諄諄倫反翁許及反

之力戰者此恐數罰者困也數行刑也先暴而後畏

其衆者不精之至也先行辛暴於上卒而後欲來委謝者欲

休息也戰未相伏而下意氣相委謝者欲休息也兵怒而相迎久而不合又不相

去必謹察之備奇伏也此必有間謀也

察而後動

春秋時齊師伐魯敗退魯莊公將逐之曹劌曰未可夫大國

難測也懼有伏焉恐詐而奔也登軾而觀之其旗靡其轍亂

曰可逐之○又春秋時秦晉戰于羈馬交綏秦行人夜戒晉

師曰兩軍之士皆未整也明日請相見也整缺也晉大夫史

駢曰使者目動而言肆懼我也目動心不安言肆聲放將遁散失常節也駢蒲田反

高

綏古字通用

矣薄諸河必敗之也薄迫也晉裨將胥甲趙穿當軍門曰死傷未

收而棄之不惠也不待期而薄人於隘無勇也乃止秦師果

夜遁○春秋時晉師伐齊齊侯畏衆齊師夜遁師曠曰鳥鳥

之聲樂齊師其遁鳥鳥得空營故樂也邢伯曰有班馬之聲夜遁馬不

也班也齊師其遁叔向曰城上有鳥齊師其遁○春秋時晉師

伐楚將戰楚子登巢車以觀晉軍巢車車上為櫓楚將子重使大宰

伯州黎侍於王後州黎晉伯宗子先奔楚也王曰騁而左右何也騁走也曰

召軍吏也皆聚於中軍矣曰合謀也張幕矣曰虔卜於先君

也虔敬也徹幕矣曰將發命也甚囂且塵上矣曰將塞井夷竈

而為行也夷平也行皆乘矣乘承也左右執兵而下矣曰聽誓

也左將師右車右戰乎曰未可知也乘而左右皆下矣曰戰禱也禱

諸鬼神也竟敗楚于鄢陵○東晉末宋武帝自京口舉義兵討桓

玄將桓謙屯于東陵下範之屯覆卅山西以拒之宋武疑賊

有伏兵謂小將劉鍾曰此山下當有伏兵卿可率部下指往

摸之鍾應聲馳進果有伏兵數百一時奔走摸音莫○宋雍州

刺史袁顓舉兵反顓魚起反公流大鵲尾與官軍相持既久官軍

主張興世越鵲尾上據錢溪顓將劉胡攻之不下遣人傳唱

錢溪已平官軍之衆竝懼宋將沈攸之曰不然若錢溪實敗

萬人中要應有逃亡得還者必是彼戰失利唱空聲以惑衆

耳勒軍中不得輒動錢溪信尋至果大破賊攸之悉以錢溪

房

通典卷三十三

所送胡軍耳鼻示之顛駭懼急追胡還遂潰之○後魏將司馬楚之討蠕蠕潛遣姦覘蠕如充反入楚之軍截驢耳而去

有告失驢耳者諸將莫能察楚之曰必是覘賊截之以為驗賊將至矣即使軍人伐柳為城水灌令凍城立而賊至冰峻

城固不可攻逼賊乃走散○西魏將韓果性強記兼有權略所行之處山川形勢輒能記憶兼善伺敵虛實揣知情狀有

潛匿溪谷為間偵者間古覓反果登高視之所疑之處往必

有獲○周武帝帥師攻圍高齊後主將兵十萬自來援之時

柱國陳王純屯千里徑大將軍永昌公椿屯雞捷原大將軍

宇文盛守汾水關竝受齊王憲節度憲密謂椿曰兵者詭道

去留不定見機而作不得遵常汝今為營勢令兵去之後賊

猶致疑不須張幕可代疑也時齊王分軍萬人向千里徑又

令其眾出汾水關自率大兵與椿對陣宇文盛馳騎告急憲

自以千騎救之齊人覩谷中塵起相率遽退盛與柱國侯莫

陳芮涉汾逐之多有斬獲俄而椿告齊眾稍逼憲又迴軍赴

之會被勅追還率兵夜返齊人果謂栢菴為帳幕也不疑軍

退翌日始悟周人設疑齊人不察菴音諧

驗虛聲知無實

後漢末劉備遣將吳蘭屯下邳曹公遣曹洪征之備遣張飛

屯固山欲斷軍後眾議狐疑洪曰賊實斷道者當伏兵潛行

今反張聲此其不能也宜及其未集促擊蘭蘭破則飛自走
集兵擊蘭大破之飛果走○東晉末宋武帝率兵北伐圍南
燕慕容超於廣固未下時後秦姚興遣使告宋武云慕容見
與隣好又以窮告急今當遣鐵騎一時逕據洛陽晉軍若不
退者便當長驅而進宋帝呼興使答曰語汝姚興我定燕之
後息甲三年當平關洛今能自送便可送來劉穆之聞興使
馳入而宋武發遣已去以興所言并答具語穆之穆之曰常
日事無大小必賜與謀此宜善詳云何率爾便答未能威敵
正促彼怒耳若燕未可拔興救奄至不審何以待之宋武笑
曰此是兵機非卿所解故不語耳夫兵貴神速彼若審能遣
救必畏我知寧容先遣信命此是其見我伐燕內已懷懼自
強之辭耳興竟不能出師廣固終拔擒慕容超平齊地

敵降審察

楚漢相持項羽圍漢王於滎陽漢王請和割滎陽以西者爲
漢亞父勸項王急攻滎陽漢王患之陳平反間旣行羽果疑
亞父亞父大怒而去發病死漢將紀信曰事急矣臣請誑楚
可以間出於是陳平夜出女子東門三千餘人楚因擊之紀
信乃乘王車黃屋左纛曰食盡漢王降楚楚軍皆呼萬歲之
聲城東觀之以故漢王得與數十騎出西門遁走○後魏萬
俟醜奴萬音墨
俟音其宿勒明達等反叛寇掠涇州魏將崔延伯率

衆討之時醜奴置營涇州西北七十里衆軍將出營討賊未戰之間有賊數百騎詐持文書云是降簿乞且緩師延伯謂其事實遂巡未鬪俄而伯勒明達率自東北而至乞降之賊從西競下諸軍前後受敵延伯上馬突陣賊勢摧挫便爾逐北逕造其營賊本輕騎延伯軍兼步卒兵力疲惫賊乃乘閒得入城延伯軍遂大敗死傷者二萬人○西魏大將周文征東魏戰于邙山裨將于謹率其麾下偽降立於路左東魏大將齊神武軍乘勝逐北不以爲虞追騎過盡謹乃自後擊之敵人大駭獨孤信又收集兵士於後奮擊齊神武軍遂亂以此西魏軍得全而返

通典卷一百五十一

通典卷第一百五十一

兵四

間諜

行師先在量力不可窮兵

臨敵易將

軍政不一必敗

軍無政令敗

推誠

示信

示義

孫子曰用閒有五有因閒有內閒有友閒有死閒有生閒五閒俱起莫知其道是謂神紀因閒者因其鄉人而用之者也

因敵鄉人知敵表裏虛實之內閒者因其官人而用之者也

情故就而用之可使伺候也

因在其官失職者若刑戮之子孫與反閒者因其敵閒而用受罰之家也因其有隙就而用之

之者也敵使閒來視我我知之因厚賂重許反使爲我閒也

前却期會使歸死間者為誑事於外令吾間知之而待於敵

相語故曰反間死間者為誑事於外令吾間知之而待於敵

間者也作詐誑之事於外佯漏洩之使敵間知之吾間至敵

間則死矣又云敵間來間我誑事以持歸然皆非所圖也二

間皆不能知幽隱深密故曰死間也蕭世誠曰所獲敵人及

已叛亡軍士有重罪繫者故為貸免相勅勿洩佯不祕密令

敵間竊聞之吾因縱之使亡亡必歸敵必信焉往必死故曰

死生間者反報者也擇已有賢才智謀能自開通於敵之親

實還報故故三軍之親莫親於間若不親撫重以祿賞則其

莫厚於間厚賞之賴其用事莫密於間則為己害非聖智不能用間

不能得間非微密者不能得間之實用意密而不漏聞事未發而先

聞其間者與所告者皆死凡軍之所欲擊所欲擊之軍城之所欲

攻所欲攻之城者人之所欲殺所欲殺之人者必先知其守將左右謁者門

者舍人之姓名守謂官守職任也謁告也主告事者也門者

舊有急則呼之則不見令吾間必索知之敵間之來間我者

呵止亦因此知敵之情舍居止也令吾人遺以重利故其辭故反間可得

因以利道而舍之復遇而舍止之可令其辭故反間可得

而用也故能取敵之因是而知之故鄉間內間可得而使也

因反敵間而知敵情鄉因是而知之故為誑事可使告敵因

間內間者皆可得使因是而知之故因是而知之故

是可得而攻也因誑事而知敵情生間往返因是而知之故

生間可使如期五間之事主必知之人上當知五間之故反

間不可不厚也要也故當在厚待則伊呂之在夏殷為殷

周反間豈不重之哉唯明主賢將能以上智為間者必成大

功此兵之要三軍所恃而動者也

柳覽二百九十二引孫子條末注云已上注出通典則是轉引通典所引之文為証事上有死間二字與本書同此

間諜

春秋時楚師伐宋九月不服將去宋楚大夫申叔時曰築室

反耕者宋必聽命楚子從之築室於宋分兵於田示無去志王從其言宋人懼使

華元夜入楚師登子反之牀起之曰寡君使元以病告兵法因其

鄉人而用之必先知其守將左右謁者門者舍人之姓名因而利導之華元蓋用此術得以自通曰弊邑易

子而食析骸以爨雖然城下之盟有以國斃不能從也寧以國斃

不從城下盟去我三十里唯命是聽子反懼與之盟而告楚子退

三十里宋及楚平華元若不因間諜無由得入楚軍○戰國鄭武公欲伐胡

先以其子妻胡因問羣臣曰吾欲用兵誰可伐者大夫關思

期曰胡可武公怒而戮之曰胡兄弟之國子言伐之何也胡

右聞之以鄭為親已不備鄭襲胡取之此用死間之勢○戰國燕昭

王以樂毅為將破齊七十餘城及惠王立與毅有隙齊將田

單乃縱反間於燕宣言曰齊上已死城不拔者二耳樂毅畏

誅而不敢歸以伐齊為名實欲連兵南面而王齊齊人未附

故且緩即墨殘矣燕王以為然使騎劫代毅燕人士卒離心

單又縱反間曰吾懼燕人掘吾城外冢墓音戮先人燕軍從

之即墨人激怒請戰大敗燕師所亡七十餘城悉復之○戰

國秦師圍趙閼與趙將趙奢救之去趙國都三十里不進秦

間來奢善食音遣之間以報秦將以為奢師怯弱而止不行

奢隨而卷甲趨秦師擊破之具示緩篇此則反用彼間也○戰國秦與趙

兵相拒長平趙孝成王使廉頗為將固壁不戰秦數挑戰廉頗不出秦之閒言曰秦之所患獨畏馬服趙奢之子為將耳趙王信之因以奢子為將終為秦將白起所敗○楚漢相持未決勝負陳平言於漢王曰彼項王骨鯁之臣以亞父范增鍾離末龍且周殷之屬不過數人大王誠能出捐數萬斤金行反閒其君臣以疑其心項王為人意思信讒必內相誅漢因舉兵而攻之破楚必矣漢王然之遂出黃金四萬斤與平恣所為不問出入既多以金縱反閒於楚軍宣言諸將鍾離末等為項王將功多矣然終不得裂地而王欲與漢為一滅項氏分王其地項王果疑之使使至漢漢為大牢之具舉進

見楚使舉鼎俎而來即佯驚曰吾以為亞父使乃項王使也復持

去以惡草具進楚使去肴肉更以草菜之具使歸且報項王項王果大

疑亞父亞父欲急擊下滎陽城項王不信不肯聽亞父亞父

聞項王疑之乃大怒曰天下事大定矣君王自為之願賜骸

骨歸歸未至彭城疽發背而死漢遣紀信詐降而漢王宵遁

終滅項羽羽不悟反○漢使酈食其說齊王田橫捨兵與酈

生縱酒漢將韓信因齊無備襲齊破之田廣烹食其此偶成韓信用

死閒之勢○漢高帝被匈奴單于冒頓圍于白登乃使閒厚遺闕

氏闕氏乃謂冒頓曰兩主不相困今得漢地而單于終非能

居之且漢主亦有神單于察之冒頓乃解圍之一角於是高

帝令士皆持滿傳矢外嚮從解角直出竟與大軍合而冒頓

遂引兵而去○後漢西域將兵長史班超發于闐諸國兵擊

莎車龜茲二國揚言兵少不敵罷散乃陰緩生口歸以告龜

茲王喜而不虞超即潛勒兵馳赴莎車破降之具聲言退誘敵破之

篇斯亦同死間之勢○晉益州牧羅尚遣將隗伯攻蜀賊李雄於郫城

互有勝負雄乃募武都人朴泰鞭之見血使譙羅尚欲為內

應以火為期尚信之悉出精兵遣隗伯等率兵從泰擊雄雄

將李驤於道設伏泰以長梯倚城而舉火伯軍見火起而爭

緣梯泰又以繩汲上尚軍百餘人皆斬之雄因放兵內外擊

之大破尚軍此用內間之勢○十六國後涼呂光將呂延伐乞伏乾

歸大敗之乾歸乃縱反間稱衆潰東奔成紀延信而追之延

司馬耿稚曰告者視高而色動必有姦計不可延不從相遇

戰敗死之具聲言退誘敵破之篤斯亦同班超破莎車之勢○東魏將段琛據宜陽

遣將牛道常扇誘邊人西魏將韋孝寬拒之遣諜人訪獲道

常手迹令善書者偽作道常與孝寬書論歸款之意又為落

燼燒迹若火下書者還令諜人遣之於琛營琛得書果疑之

道常所經略皆不見用孝寬知其離沮因出奇兵掩襲道常

及琛等嶠濕途清灑音○東魏大將齊神武率兵趣沙苑西

魏大將周文帝遣達奚武覘之武從三騎皆衣敵人衣服至

日暮去營數百步下馬潛聽得其軍號因上馬歷營若警夜

者有不如法者往往撻之具知敵之情狀以告周文帝齊斛律光字明月為當時名將後周將韋孝寬守玉壁今絳郡稷山縣忌

光英勇孝寬叅軍曲嚴頗知卜筮謂孝寬曰來年齊朝必大相殺戮孝寬因令嚴作謠言令間諜漏其文於鄴曰百升飛

上天明月照長安又曰高山不推自崩榭樹不扶自豎祖瑛因續之曰盲老翁背上下大斧饒舌老母不得語令小兒歌

之於路穆婆提聞之以告其母陸令萱令萱以饒舌斥已也陸令萱即後主乳母盲老翁謂祖瑛也遂相與協謀以謠言啓後主誅

光周武帝聞之遂大赦境內始有滅齊之志竟平其國○大唐衛公李靖伐突厥頡利可汗以唐儉先在突厥結和親突

厥遂不備靖因掩擊破之亦以唐儉為死間之勢○李靖兵法曰夫戰

之取勝此豈求之於天地在乎因人以成之歷觀古人之用

間其妙非一即有間其君者有間其親者有間其賢者有間

其能者有間其助者有間其鄰好者有間其左右者有間其

縱橫者故子貢史廖陳軫蘇秦張儀范雎等皆憑此術而成

功也且間之道其有五焉有因其邑人使潛伺察而致詞焉

有因其仕子故洩虛假令告示焉有因敵之使矯其事而返

之焉有審擇賢能使覘彼向背虛實而歸說之焉有佯緩罪

戾微漏我偽情浮計使亡報之焉凡在五間皆須隱秘重之

以賞密之又密始可行焉若敵有寵嬖任以腹心者我當使

閒遺其珍玩恣其所欲順而傍誘之敵有重臣失勢不滿其志者我則啗以厚利詭相親附採其情實而致之敵有親貴左右多詞夸誕好論利害者我則使閒曲情尊奉厚遺珍寶揣其所閒而反閒之敵若使聘於我我則稽留其使令人與之共處矯致殷勤偽相親暱朝夕慰喻倍供珍味觀其辭色而察之仍朝暮令使獨與已伴居我遣聰明者潛於複壁中聽所閒使既遲違恐彼怪責必是竊論心事我知計遣使而用之且夫用閒以閒人人亦用閒以閒已彼以密來理須獨察於心叅會於事則不失矣若敵使人來欲候我虛實察我動靜覘知事計而行其閒者我當佯為不覺舍其厚利而善啗之微以我偽言誑事示以前却期會即我之所須為彼之所失者因其有閒而反閒之彼若將我虛而以為實我即乘其弊而得其志矣夫水所以能濟舟亦有因水而覆沒者閒所以能成功亦有憑閒而傾敗者若東髮事主當朝正色忠以盡節信以竭誠不詭伏以自容不權宜以為利雖有善閒其可用乎

行師先在量力不可窮兵

春秋時息侯伐鄭鄭伯與戰于境息侯大敗而還君子是以知息之將亡也不度德鄭莊不量力息國不親親鄭息同姓之國不徵辭不察有罪言語相恨當明微其辭以審曲直不宜輕關犯五不韙而以伐人

其喪師也不亦宜乎躋首于○漢武帝患匈奴屢為邊患鴈門馬邑豪彘一因大行王恢言匈奴初和親親信邊可誘以利致之伏兵襲擊必破之道也帝召問公卿曰今欲舉兵攻之何如韓安國曰臣聞高皇帝圍於平城匈奴至日投鞍高如城者數所平城之飢七日不食天下歌之解圍之後而無忿怒之心夫聖人以天下為度者也不以私怒傷天下之政故乃遣劉敬奉金千斤以結和親至今為五世利孝文皇帝又嘗一擁天下精兵聚之廣武終無及寸之功而天下黔首無不憂者孝文悟於丘之不可宿故復故和親之約此二聖之跡足以為效矣竊以勿擊為便漢元帝時朱崖儋耳二郡

夷數反賈捐之上書訶不擊其略曰臣聞堯舜禹三聖之德地方不過數千里西徼流沙東漸于海朔南暨聲教欲與聲教則治之不欲與者不强治也是以頌聲並作視聽之類咸樂其生秦氏興兵遠攻貪外虛內務欲廣地而天下潰畔賴聖漢為百姓請命平定天下至孝武皇帝以國富人逸攘却匈奴西連諸國至於安息東過碣石造鹽鐵酒權之利以佐用度猶不能足當此之時寇盜並起征伐不休之故也今陛下不忍悁悁之忿欲毆士眾擠之大海之中悁居快心幽冥之地非所以保全元元也詩云蠢爾荆蠻大邦為讎自古而患之久矣何況乃服其南萬里之蠻乎臣竊以往者堯軍言

之暴師曾未一年兵出不踰千里費四十餘萬大司農錢盡
乃以少府禁錢續之夫一隅為不善費尚如此況於勞師遠
攻亡士無功乎臣愚以為非冠帶之國禹貢所不及皆可且
無以為於是遂罷其郡具邊防南蠻篇○後漢光武建武中北匈奴
衰弱臧宮馬武上書請臨塞厚懸構賞喻告高句麗烏桓鮮
卑攻其左發河西四郡及天水隴西羌胡擊其右如此北虜
之滅不過數年矣帝曰舍近謀遠者勞而無功舍遠謀近者
逸而有終故曰務廣地者荒務廣德者強有其者安貪人
有者殘殘滅之政雖成必敗今國無善政災變不息百姓驚
惶人不自保而復遠事邊外乎孔子曰吾恐季孫之憂不在

顯與自是諸將莫敢復言兵事

○魏將諸葛誕據壽

春及魏將王基討之司馬文王欲遣諸將輕兵深入招遮吳
將唐咨等子弟因疊有蕩覆吳之勢基諫曰昔吳將諸葛恪
乘東關之勝竭江表兵以圍新城城既不拔而衆死者大半
蜀將姜維因洮上之利輕軍深入糧餉不繼軍覆上邽夫既
勝之後必輕敵則慮難不深今賊新取於外又內患未弭是
其修政設慮之時也且兵出踰年人有歸心今俘馘十萬罪
人斯得自歷代征伐未有全兵獨克如今之盛者也昔武皇
帝破袁紹於官渡自以所獲已多不復追奔懼挫威也從之
○宋文帝勵精為治俗阜人康元嘉數十年間比漢之文景

自以財殷力盛遂經略中原命王玄謨等大舉北伐遂至後魏太武親率二十萬衆至于瓜步喪師蹙國斯不量力黷武之謂也○陳宣帝卽位數年遣吳明徹率師十萬渡江盡克淮南之地息不二三載更攻後周之彭城大敗於呂梁明徹并將卒竝沒江左削弱自此之由斯亦不量力而黷武窮兵之累矣○後周武帝伐齊軍次并州齊將安德王延宗擁兵四萬出城拒帝帝率諸軍合戰齊人退帝乘勝逐北率千餘騎入城東門令諸軍繞城置陣至夜延宗率其衆排車而前城中軍却人相蹂踐大爲延宗所敗死傷略盡齊人欲閉門以闔下積屍靡不得闔帝從數騎崎嶇危嶮僅乃得出至明

率諸軍更戰大破之擒延宗并州平

見武庫

臨敵易將

戰國燕昭王使將樂毅下齊七十餘城唯莒卽墨二城未下惠王嗣立以騎劫代毅遂爲齊將田單所敗得齊地復歸于齊○秦師伐趙趙王使廉頗禦之頗固壁不戰趙王惑秦之間以趙奢之子代頗趙師大敗○晉鎮南將軍杜元凱都督荊州諸軍事襲吳西陵督張政西陵今夷陵郡大破之政吳之名將據要害之地耻無備取敗不以實聞于孫皓元凱欲聞吳邊將乃請還其所獲之衆於皓皓果召政遣武昌監劉憲代之故晉軍將至使其將帥移易成傾蕩之勢竟殄滅焉皓不悟致敗

後周末隋文帝作相尉遲迴據相州舉兵隋文帝遣鄆公韋

孝寬為東道元帥師次沁水水漲未得渡沁音士長史李詢

上密啓云大將梁士彥宇文欣崔弘度等竝受尉遲迴饋金

軍中慍慍人情大異文帝以為憂欲代此三人李德林獨進

計云公與諸將竝是國家貴臣未相伏馭今以挾令之威使

得之耳安知後所遣者能盡腹心前遣之人獨致乖異又取

金之事虛實難明即令換易彼將懼罪恐其逃逸便須禁錮

然則鄆公以下必有驚疑之意且臨敵代將自古所難樂毅

所以辭燕趙奢之子所以致敗於趙如愚所見但遣公一腹

心明於智略為諸將舊來所信伏者速至軍所觀其情偽縱

有異意必不敢動文帝大悟即令高顯驪驛往軍所為諸將

節度竟成大功隋文悟之而勝

孫子曰將在軍君命有所不受苟便於事不拘於君命也故曰不從中御

軍政不一必敗

春秋時楚子伐鄭晉師救之楚子北師次于邲邲鄭北地音延聞晉

師濟河楚子欲還伍參言於楚子曰參倉舍反晉之從政者新未

能行今其佐先穀剛愎不仁未肯用命其三帥者專行不獲

欲專其所聽而無上衆誰適從此行也晉師必敗楚改乘轅

而北之次於管以待之晉師在敖鄙之間鄙苦高反晉魏錡求公

族未得欲為公族大夫而怒欲敗晉師請致師不許請使許之遂往

請戰而還趙旃求卿未得旃趙請挑戰不許請召盟許之與

魏錡皆命而往郟克曰二憾往矣弗備必敗隨會曰若二子

怒楚楚人乘我喪師無日矣乘猶登也不如備之楚之無惡除備

而盟何損於好若以惡來有備不敗且雖諸侯相見軍衛不

徹警也徹去也先穀不可不肯設備隨會使鞏朔韓穿帥七覆于敖

前帥將也覆為伏兵七處故上軍不敗而中軍下軍皆敗績○春秋時

吳師伐楚州來楚救之吳人禦諸鍾離楚將子瑕卒楚師燿

楚者衆而皆小國也畏楚而不獲已是以來吾聞之作事威

剋其愛雖小必濟克勝也軍事尚威胡沈之君幼而狂性無常陳大夫

鬻壯而頑頓與許蔡疾私擊楚大將死其師燿遠越為帥帥賤

多寵政令不一越非正帥也軍多寵人政七國同役而不同

心七國楚頓胡沈蔡陳許也帥賤而不能整無大威命楚可敗也先分師

以犯胡沈與陳必先奔諸侯之師乃搖心矣諸侯乖亂楚必

大奔請先者去備薄威示之以不整以誘之後者敦陣整旅敦厚吳子從

之戰于雞父音甫吳子以罪人三千先犯胡沈與陳囚徒不習戰以示不

整三國爭之吳為三軍以繫於後中軍從王光帥右軍掩餘

帥左軍吳之罪人或奔或止三國亂吳師擊之敗獲胡沈之

君及陳大夫舍胡沈之囚使奔許與蔡頓曰吾軍死矣師謀

而從之三國奔三國許蔡頓楚師大奔○後漢末曹公擊馬超始

賊每一部到公輒有喜色賊破之後諸將問其故答曰關中
長遠若賊各依嶮阻征之不一二年不可定也今皆來集其
衆雖多莫相歸伏軍無適音的主一舉可滅為功甚易吾是以
喜

軍無政令敗

後魏末原州人豆盧狼害都督大野樹兒等據州城及州人
李賢乃招集豪傑謀曰賊起倉卒便誅二將其勢雖盛其志
已驕然其政令莫施惟以殘剝為業夫以鞞旅之賊而驅烏
合之衆勢自離解今若從中擊之賊必喪膽如吾計者指日
取之衆皆從焉賢乃率敢死士三百人分為兩道乘夜鼓譟
而出羣賊大驚一戰而敗狼遁走追斬之

推誠

後漢更始初光武為蕭王定河北諸賊銅馬餘衆降封其渠
帥為列侯降者猶不自安光武知其意各歸營勒兵乃自乘
輕騎案行部陣降者更相語曰蕭王推赤心置人腹中安得
不投死乎言致死猶由是皆服○東晉末劉道規為荊州刺史

桓玄餘黨荀林屯江津桓謙軍枝江二寇交通以絕都邑之
問荆楚既桓氏義舊竝懷異心道規乃會將士告之曰桓謙
今在近畿聞諸軍頗有去就之計吾東來文武足以濟事若
欲去者本不相禁因夜開城門達曉不閉衆咸憚服莫有去

者○西魏將王羆之守華州也

今馮翊郡

西魏師與東魏師戰于

河橋不利東魏降卒趙青雀據長安城所在莫有固志羆乃大開州門召城中軍民謂之曰如聞天子敗績不知吉凶諸人相驚咸有異心王羆受委於此以死報恩諸人若有異圖可來見殺必恐城陷沒者亦任出城如有忠誠能與王羆同心者可共固守軍民見其誠信皆無異志

示信

春秋時晉文公圍原命三日之糧原不降命去之諜間出曰原將降矣軍吏請待之公曰信國之寶也人之所庇也得原失信何以庇之所亡滋多退一舍而原降○晉文公伐楚

歸國行賞狐偃為首或曰城濮之事先軫之謀文公曰城濮之事偃說我無失信不背三舍之約先軫所謀軍事吾用之以勝然此一時之說偃言萬世之政奈何以一時之利而加萬世之功乎是以先之衆皆悅服○魏明帝自征蜀至長安遣張郃諸軍勁卒四十餘萬向劔閣諸葛亮有戰士萬二千更下者八千時魏軍始陣翻兵適交亮叅佐咸以敵衆強多非力所制控權停下兵并聲勢亮曰吾聞用武行師以大信為本得原失信古人所惜去者束裝以待期妻子企踵而計日乃勅速遣於是去者感悅願留一戰住者憤踊咸思致命臨軍之日莫不拔刃爭先以一當十殺張郃却司馬宣王一

戰大剋此之由也

示義

春秋時晉將荀吳伐鮮虞圍鼓鼓白狄之別邑鼓人或請以城叛吳

曰吾聞諸叔向好惡不愆人知所適事無不濟行過適歸或以吾

城叛吾所甚惡也人以城來吾獨何好焉賞所甚惡若所好

何無復加所好若其弗賞是失信也何以庇民力能則進不能則

退量力而行吾不可以欲城而邇姦也所喪滋多使鼓人殺

叛人而繕守備圍鼓三月鼓人或請降使其民見曰猶有食

色姑修而城軍吏曰獲城而不取勤人而頓兵何以事君吳

曰所以事君也獲一邑而教民怠將焉用邑邑以賈怠不如

完舊完猶保守也賈音估賈怠無卒終棄舊不祥鼓人能事其君我亦

能事吾君率義不爽好惡不愆城可獲而民知義所知義所在也荀

吳必其能獲故因以示義有死命而無二心不亦可乎鼓人告食竭力盡

而後取之剋鼓而返不戮一人○秦末天下兵起范增說項

梁曰陳勝敗固當夫秦滅六國楚竄無罪自懷王入秦不返

楚人憐之至今故楚南公曰楚雖三戶亡秦必楚今陳勝首

事不立楚後而自立其勢不長今君起江東楚蜂起之將皆

爭附君者以君世世楚將為能復立楚之後也乃求楚懷王

以從民欲○漢楚相持之際項羽擊陳留外黃不下數日降

羽悉令男子年十五以上詣城東欲坑之外黃令舍人兒年

兵

十三今之舍人卑也其幼弱故係其父強音其外往說羽曰彭越強劫外黃

黃恐故且降大王大王至又坑之百姓豈有所歸心哉從此

以東梁地十餘城皆恐莫肯下矣羽然其言乃赦外黃當坑

者而東至睢陽聞之皆爭下○漢王至洛陽新城三老董公

遮說漢王以義帝死請發喪漢王從之遂為義帝發喪袒而

大哭哀臨三日發使告諸侯曰天下共立義帝北面事之今

項王放殺義帝江去中大逆無道寡人親為發喪兵皆縞素悉

發關中兵收三河十南浮江漢以下願從諸侯王擊楚之殺

義帝者於是諸侯多從之○晉征南大將軍督荊州諸軍事

羊祜至鎮務修德信以懷柔初附慨然有吞吳之心每與吳

人交兵剋日方戰不為掩襲之計將帥有欲進譎詐之策者

輒飲以醇酒使不得言人有掠吳二兒為俘者祜遣送還其

家後吳將夏詳邵顛等降二兒之父亦率其屬與俱吳將陳

尚潘景來寇祜追斬之而美其死節厚加殯殮景尚子弟迎

喪祜以禮遣還吳將鄧香掠夏口祜募生縛香既至宥之香

感其恩率部曲而降祜出軍行吳境刈穀為糧皆計所侵送

絹償之每會眾江沔遊獵常止晉地若獸先為吳人所傷而

為晉兵所得者皆封還之於是吳人翕然悅服稱為羊公不

之名也祜與陸抗相對使命交通抗稱祜之德雖樂毅諸葛

孔明不能過也抗嘗病祜饋之藥抗服之無疑心人多諫抗

抗曰羊祜豈醜人者時談以爲華元子反復見於今抗每告其戍曰彼專爲德我專爲暴是不戰而自服也○東晉末宋武帝爲將北伐後秦姚泓以檀道濟爲前鋒至洛陽凡拔城破壘俘四千餘人議者謂應以戮爲京觀道濟曰伐罪弔民正在今日皆釋而遣之於是戎夷感悅相率歸之者甚衆○後魏遣將慕容白曜伐宋無鹽城剋之將盡以其人爲軍實副將酈範曰齊四履之地號爲東秦不遠爲經略恐未可定也今皇威始被人未霑澤連城有懷貳之將比邑有拒守之夫宜先信義示之軌物然後人心可懷二州可定白曜從之進次肥城白曜將攻之範曰肥城雖小攻則淹日得之無益

軍聲失之有損軍勢且見無鹽之卒死者塗炭成敗之機足爲鑒矣若飛書告諭可不攻自伏縱其不降亦當逃散白曜乃以書曉之肥城果潰○隋桂州人李光仕舉兵作亂隋將周法尚討之光仕師勤勁兵保白石洞法尚捕得其弟光略光度大獲家口其黨有來降附者輒以妻子還之居旬日降其數千人法尚遣兵列陣以當光仕親率奇兵蔽林設伏兩陣始交法尚馳擊其柵柵中人皆走散光仕大潰追斬之○大唐武德中李靖旣剋江陵降蕭銑時諸將咸云銑之將帥與官軍拒戰罪狀旣重請籍沒其家以賞將士靖曰王者之師義存弔伐百姓旣受驅逼拒戰豈其所願且夫吠非主無

兵
通典卷一百五十一
容同叛逆之科此蒯通所以免大戮於漢祖也今新定荆郢
宜弘寬大以慰遠近之心降而籍之恐非救焚拯溺之義但
恐自此以南城鎮各堅守不下非計之善於是遂止江漢之
城閭之莫不爭下

通典卷一百五十一

